

مکتبہ انجیل

ادبی و سیاسی رسالہ اسبوعیہ در

۳۰ نجی سنہ



۱۷ رجب الفرد ۱۳۲۹

پنجشنبہ

جزو عدد : ۱۰۴

تاریخ عالم ، کره ارض اوزرنده جریان ایدن وقایع وحادثاتک . یک ناقص بر تصویرى ویا کوجوک مقیاسده بر آینه سى عد اولنه بیلر . هر حادثه او آینه داخلنه گیره من ، کیردیكى فرض اولنسه بيله گوريله من . طبق بر منظره عمومیه فوطوغرافیه سى کبی بللی باشلی نقاطی جالب دقت بر صورتده ارانه ایلدیكى حالده بر چوق تفصیلات و تفرعاتی نظره قارشى مستور و پنهان قالیر .

غرائب مدنيه تحریمی ایچون بر ظلمت عمیقه ایچنده استتار ایتمکده بولنان ماضی بعد ، یعنی قرون عتیقه فوطوغرافیانک اق تفصیلات غیر مرئیه سى ، اق تفرعات غیر مکشوفه سى کبی بر طرفه بر اقیله رق قرون وسطی به طوغری تبعات و تدقیقاتده بوليله حق اولورسه مدنیت نامنه انسانلرک اجرا ایتمش اولدقلى اويله وحشتلر کوریلورکه انسانلرک دکل ، حیوانلرک بيله توپلریخی اورپردیر .

اخلاق نامنه یاییلان فضا حاکم قلم ايله یازيله میه حق قدر شناختلردن عبارتدر . عدالت نامنه اجرا ایدیلان جنایتلرک و حشی جانوارلرک حرکاتلردن دهها وحشیانه در .

ازدواج نامنه اجرا ایدیلان رزالتلر خاطر و خیاله صیغاز . حفظ الصحه نامنه یاییلان چیلغینلقلر دلینک خاطرینه کلز . طبابت نامنه تطبیق ایدیلان تدویرلرک جنایاتدن فرقسزدر . ناموس نامنه ناموسه اوریلان ضربلرک حد و حسابی یوقدر . مذهب نامنه روا کوریلان اعتسافات و تعبداتی دینمنزلر بيله تجویز ایده من . حاصلی هانکی نقطه نظرندن تدقیق ایديله جک اولورسه اولسون اجرا ایدلمش بولنان و بر درجه یقدر حالا اجرا ایدلمکده اولان فضا حاکمک ، خیانتلرک ، جنایتلرک ، رزالتلر ، وحشتلرک قسم اعظمی هیچ شبهه یوقدرکه جهالتک نتیجه مشنومه سیدر . بناء علیه وجودینک رفی لابد اولان الک مضر شئی جهالتدر .

مع مافیہ جمہ اللہ قابل توصیف اولہمہ حق بر جوق بیوک آدم لک اجرا
ایتمش اولدقلری فضا حتلر ، وحشتلر نظر تدقیقہ آلہ حق اولورسه بوکیملرک
بالخاصہ دنی ، جانوار اولہرق یارادلش اولمزلندن بشقہ برسبب بولمق ممکن دکلدر .
ہر حالہ منفعت شخصیتک بوکی خصوصاتہ پک بیوک تاثیرات اجرا ایلمکدہ
بولدینبی متعارفہ ہندسیہ کبی بداعت قطعہ دن معدود در .

بناء علیہ « منفعت شخصیت سنی ہر شئیہ ترجیح ایڈنلندن ہر در لوفد اق ماملدر . »
دیہ چیقار مق ایستہ دیکم دستور ، ظن ایڈرم کہ تطبیقاتہ طوغری نتیجہ لرہ منجر اولور .
شہہ یوقدر کہ منفعت ذاتیہ بی کوزتمک بشریت مخصوصاتہ دندر ، فقط او منفعتی
آخرک ، عامہ نک مضر تنسہ آرامق دخی بیعت مقتضیاتہ دندر . بو ملاحظہ .
بودقیقہ مبذدر کہ دستورہ « ہر شئیہ ترجیح » قیدینی علاوہ ایلمک .

ہم قرون وسطیہ قدر بر نظر رجعی عطف ایتمک نہ حاجت ! عصر سابق
وحاضر دہ اور وبادہ جریان ایتمش بولان وقایع وحادثات فجیعہ والیمہ ہپ او منفعت
شخصیتک اثر ملعت و شائقی دکلدر ؟

مع هذا تاریخک احتوا ایلمیکی وحشت و فضا حتلدن ارباب مطالعہ بر قاج
نمونہ عرض ایتمدن اول شوراسنی بیان ایتمک ایسترم کہ عصر سابقہ قدر اوزایوب
کلان وحشتلرک قسم اعظمی بیوک ناپولیون رفع والغا و دہا طوغریسی فرانسیہ
اختلال کیری احما ایلمشدر . بناء علیہ مبداء انسانیت ، عصر سابقک بدایتی اعتبار
اولہ بیلیر .

صرہ گوزہ دلمکمزین تاریخدن مستخرج آمانجہ برکتایدن مترجم نمونہ لر :
اون آلتنجی عصر دہ حفظ الصحہ اعتنائک درجہ سنی آکلاملی کہ بر مصلوب
نفسخ ایڈنجہ قدر دار آغا جندہ ترک ایڈیلوردی . اسویچرہ دہ کان (فرایبورغ)
شہرندہ صلب ایڈیلان بر آدمک ایکی برادری کچہ لین مصلوبی دار آغا جندن آلوب
دفن ایتمکہ جسارت ایڈکارندن طولانی ہیئت حاکمہ طرفندن ہر ایکسینکدہ کوزلری
چیقارملقلہ مجازاۃ ایڈلمشدر در .

۱۷۱۱ سنه سی پروسیه ده فراریلر ایچون رونارینی ، قولاقلرینی کسمک جزالری وضع ایدلمش و بونلر برنجی فریدریق ویلهلم طرفندن تصدیق اولمشدر .

§

تکمیل قرون وسطی ده و خصوصیه نصف اخیرنده خرسیتیان مملکتلرنده اجرا ایدیلان جزالر درت بیک سنه اول هندده ، چینده ، عجمستانده اجرا ایدیلنله نسبتاً انسانیتکارانه دیمکدن زیاده ظالمانده در . مجرملره تطبیق ایدیلان جزالر شونلر ایدی : درده بولمک ، یعنی مجرمی قطع ایله درت پارچه یه آیرمق ، اشکنجه چرخنده پارچه لاق ، قازیقلامق ، یاقق ، صوده بوغمق ، دیوار اورمک ، جانلی دفن ایتمک ، باغرساقلرینی کسوب چیقارسامق ، دیانی کسمک ، گوزلرینه میل صوقق ، صوده و یا زیتون یاغنده قاینامق ، جلدینی یوزمک و ساره دن عبارت اولوب ، قسم اعظمی ، حتی اون سکزنجی عصرده بیله تطبیق و اجرا ایدلمکده ایدی . هیئت روحانیه نك بواصول جزایی تحقیقه ساعی اولمامسی شویله طورسون ، منفور ومدهش انکیزیسیون اصولنک تطبیق ایله ده اشدتلندیرمکه بادی اولمش و هیچ اولمازسه اشکنجه نك الفاسنه چالشماسی شایان دقتدر .

۱۵۰۰ سنه حکمران و حکمفرما اولدقلری حالده بونلرک یاهمدقلری شیلری متفکرین احرار ، فیلسوفان منورالافکار آز زمان ظرفنده اجرایه موفق اولمشلردر . حقوق بشریه نی اعلان ایدن و قرون وسطی ده حیات انسانک بار بار جه سنه قیمتسز ، اهمیتسز عد ایدلمسنه خاتمه چکن کلیسا دکل ، فرانسه اختلال کبیریدر ، که بونک موجب اولدینی محسنات و سعادتن طولایی آلمانیا برنجی نابولیونه مدیون شکر اندر .

بویوک قورسیقه لینک ۱۸۰۸ سنه سی ولادت شلکننده (فرانقفورت) شهری محکمه عالیسی تعطیل اشتغاله مجبور اولمش ایدی . مارشال (اؤژرو) محکمه میداتی آتش شلنکلیری ایچون استعمال ایشدر ، فقط اوزمانه قدر اولدینی کبی معصوملری احراق بالئار ایچون دکل ، بالعکس او آنه قدر حکمفرما اولمش بولسان قدیم ظلم و اسارتی احراق و امحا ایچون یامیشدر .

(قود ناپولئون) (ناپولیون قانوننامہ سی) قرون وسطیٰ نیک (فہنودال قلعہ رینال) (زعامت رہبانیت) دوری ایلہ باربارلغنی دفن ایلشدر . بناءً علیہ انسانیت بر عصری از متجاوز بر زماندن بری متمدن اورویانک مال مشترکی اولمغہ باشلامش و مؤسس عالیسنک فکرینہ کورہ بوانسانیت اوزربنہ تأسس و استناد ایدن خرسیتیانلغناک ، هیچ اولمازسہ کلیسا اولہرق ، حکمران اولمقدن فارغ اولدینی آن دن اعتباراً مال مشترکی اولمقدہ بولنمشدر .

§

۱۴۱۲ سنہ سی ونڈیکلیلر ایلہ اجرا ایتدیکی حربدہ قیصر (سیگز موند) موتا شاتوسنی ضبط ایلدیکی زمان درت یوز کشینک صاغ النی کسیدر مشدر .

§

قیصر فریدریقک ۱۱۵۹ سنہ سی میلان شہرینہ قارشى اجرا ایلدیکی حربدہ - قرون وسطیٰ دہ مستعمل اصولہ اتباعاً - دہشتلی صورتدہ تخریبات اجرا ایدلمش و حتی اقزوم باغلری و میوہ آغاچلری بیلہ قطع ایتدیرلمش و یاقوقلری صویدیرلمشدر .

§

(ہس - قاسل) لاندغرافی ایکنجی فریدریق مقرر حکومتی آلمانیادہ الڈکوزل برشہر حالہ قویمش ، صنایعہ ہوسکار ، معلوماتی ، درایتی بر پرنس اولدینی والحاصل قرون وسطیٰ مستبدلرندن بولمقدینی حالہ مستملکاتدہ استخدام ایچون ۱۲۸۰۰ ہسلہ یی ۱۷۷۵ سنہ سی انکلتریہ ، اسیرگی ، صائمشدر . ۱۷۸۲ سنہ سنہ قدر ۴۲۰۰ گشی دہا کوندرلمش و بالخاصہ (ہاناوا) شہری ۲۴۰۰ نفوس [مابعدی کلہجک نسخہ دہ]

محمد رشدی

